

署泗州直隸知州安慶府同知葉蘭纂修

乾坤志

祥異 蠲賑

圖書麟鳳振古誌祥而春秋謹天變備紀水旱蝥螟雨霜
星隕之異夫慈惠洽則協氣流貪黷形而災沴降人事之
感召亦有不與者焉泗居淮下游旱災什一水災什九
國家不惜億萬帑金以拯茲黎庶而實惠之及民惟司牧是
問弭災致祥之要其亦有凜然於清夜者乎

祥異

漢武帝元光三年春河徙頓邱夏決瓠子溢淮泗

齊東昏永元元年七月淮水赤如血

梁武帝天監中築浮山堰灌壽春堰決奔流入海水族隨
流過泗或人首魚身或龍形馬首異狀不可名

唐開元中齊瀚奏開十八里口得龍窩有蟄龍長丈餘領
下鯉魚五六尾靈龜二移時雲霧杳冥均失所在

貞元八年淮溢害稼平地水七尺沒州城

宋開寶七年夏淮漲入城壞民居五月退六月復入民多
流亡

淳化二年七月大風雨雷震僧伽塔柱

至道二年五月州獻瑞麥

景德八年州民周敏五百歲詔賜粟帛

天禧六年江淮大風吹蝗入水

崇寧中汴口有小龍出運綱舟尾舟師婦以薪擊其首霹
靂一聲騰空去官民艘七百餘隻皆自相撞擊越日龍又
出運使祝與偕覲龍喜乃戕身入匣奏聞入內上具酒核
龍據金盃盡數器上異之貯琉璃匣封之隔夕啟視封識
如故而龍已飛命脩祠祀之今龍窩鎮其遺蹟也

大觀三年淮北大旱

建炎二年蝗

紹興三十二年淮水溢

隆興二年淮東大水操舟入市冬饑

嘉定元年大旱斗米千錢民茹草木

二年春雨大饑草木食盡剗道殣食之

元至元二十六年頻淮有黑鼠無數夜出食禾

明正統二年夏大水城崩水內注居民盡奔盱山

八年秋雨雹傷禾州守言芳發義倉賑之

成化二年民家牛產麟毛金色肉隱起如半錢鑿之

宏治六年冬虹大雪至春二月方止

正德四年夏旱蝗

五年流賊王大川楊虎亂七入虹邑大掠

六年春旱夏潦淮水溢入城民逮徙

嘉靖元年淫雨累月禾菽腐七月大風拔木鳥雀多死

十二年冬夜半虹邑星隕如雨

十四年旱蝗

十七年夏虹邑大熟一莖兩穗間有三四穗者本年斗麥

十錢二十一年亦如之四十二年虹小曲里麥一莖三五
穗

四十三年大水冬沍寒淮水冰合車馬通行

隆慶四年庚午地震有聲

萬曆八年夏大水灌城州守秘自譙州同易宗救水立波

濤中州紳常三省捐資囊土塞之城以不沒

十二年長直溝姚家土塙出血

十三年二月地震夏旱蝗蓋地

十七年大水生蟲名豆蠅長於指食禾立盡

二十五年三月雨沙數日至十三日大風作南門城樓火延燒千餘家

二十七年虹學宮門火石鼓裂

三十二年虹邑麥大熟

四十四年蝗虹邑赤地如焚

天啟元年虹邑蝗

崇正四年淮漲由北堤入城官民廬舍俱圯州紳戚仲揭貲給被災者

九年八月十三日流賊圍虹城不能入撤去潛於九月初

一夜復至守陴者皆熟睡賊望城上有火光旗幟往來但無人聲有賊緣西北角而上守卒寐中若有人呼躍起賊驚墜蓋神力也次日城外廬舍盡焚

十二年三月虹城火從小北門沿燒至南關

十三年泗大旱

十五年泗地震民舍多傾

十七年八月大雨七晝夜虹邑牆屋傾圮過半

國朝順治八年大有年

康熙七年六月十七日地大震壞廂宇傾虹城數十丈

九年冬十有一月大雨雪淮河水堅輪蹄往來至明年二月水始解

十一年泗虹麥秀兩歧

十二年虹大水

十七年泗旱蝗

十八年泗大旱蝗食禾盡及草根冬大水

十九年夏淮大溢城內水數丈官師僑寓外堤舊城沉沒自此始

二十年夏大水隄將潰吏目王文璽防禦隄賴以全

二十一年夏水沒禾

二十四年夏大水官民祭木棲絕烟數日

二十五年夏旱蝗秋大水

二十六年大旱蝗食苗盡

按蝗性飛落成羣喙不停噉其為害較烈於水旱泗境湖蕪數十水至為湖水退成灘每歲春夏之交濕熱蒸鬱不獨飛蝗落子循環相生即魚蝦所遺之子亦俱變化成螭故前志於蝗之害祿三致意焉自我

世宗憲皇帝於捕蝗不力之地方官重治其罪我

皇上於捕蝗一切費用准其動公義盡仁至數十年來蝗亦少

咸矣屬署篆茲土昨冬今春疊奉督撫兩大憲嚴飭挖捕蠅子入夏以來藩憲思惠預防增定安省挖捕蝗蠅規條分為二冊發各州縣時蘭督查蠅孽已三閱月茲復巡行阡陌於鄉之父老子弟講求蠅所以生蝗所以滅而竊

數章程所載真明於物而熟於計者矣然非收買易換則小民無由生其感愧奮勵而鄉保農長亦不能督率以有功乾隆丁未九月
署知州葉蘭附記

三十三年泗虹麥大熟

六十一年秋旱星隕先燭天冬雪凝樹日出不消

雍正元年泗州水虹有秋

三年六月朱家海決口黃水漫入虹赤山潼城等里踏為

湖

乾隆七年河決石林口泗虹大水

十八年夏蝗大雨水九月河決銅山之張家馬路淮復大

漲虹城內水深二三尺隔城垣十餘丈泗田廬坍塌無算

二十一年黃淮交漫虹城水深三尺民多疫

三十一年黃決泗大水虹城水聲如雷深四尺餘

三十八年夏大雨麥盡淹積水至冬始涸

四十二年麥大熟泗治遷於虹

四十三年七月河決儀封永城由渦泥入淮歸洪澤湖淹

蒙鳳泗等十七州縣均被淹

四十五年六月睢寧郭家渡堤隤黃水趨州境淮漲倒漾

四出

五十年大旱道瑾相望冬十月泗州半城等堡湖灘菑根
生活灾民無筭爾雅釋草注菑大葉白華根如指味甘可食詩小雅言采其菑是也時以知州鄭文泰彈壓有方民無爭競
陞浙江嘉興府知府

同時太湖縣唐家山民人挖蕨得黑米 大中丞入

告欽奉

御製詩云草根與樹皮窮民禦灾計敢信賑卹周遂乃無其事

茲接安撫奏灾黎荷

天賜挖蕨聊餬口得米出不意磨粉揀以粟糲食充饑致得千餘
石多而非村居地縣令分給民不無少接濟并呈其米樣奏

食親嘗試嗟我民食茲我食先墮淚

乾坤德好生既感復滋愧愧感之不勝遑忍稱為瑞郵寄諸皇子

令皆知此味孫曾元永識愛民志予志伏誦

宸章我

皇上軫念灾黎之至意振古未有泗州菑根之生亦上蒼慰我

聖人以濟茲一方也與

五十二年夏麥秀西岐

獨賑

順治六年夏淮大溢灌城官廨民居十圮四五田盡沒昔

撫具題奉

旨蠲免本年丁糧以甦民困

十六年泗虹俱水田禾漂沒蠲災三分

十八年蝗食禾盡蠲災三分

康熙元年泗大水蠲災三分

二年泗旱雹傷禾蠲災三分

四年水蠲災三分

五年水蠲災三分

六年夏旱蝗蠲災三分永免水沉拋荒并捏報開墾田地

泗州二千三百七十五頃九十畝零豁除正項銀一萬五
百八十九兩有奇虹縣一千六百三頃六十九畝零豁除
正項銀七千八百八兩有奇

九年夏大水蠲災一二分有差

十年夏大旱秋蝗民食樹皮奉

旨停徵本年丁糧之半發江南正賦銀六千四百五十四兩賑

泗盱

十八年冬大水潰隄決城城內水深丈餘總督阿 請賑
十九年同

二十三年秋大水禾盡沒知州莫之翰設廠以賑用穀二千八百六十石

二十六年秋虹大水蝗蠲災二三分不等

二十七年春饑知州莫之翰設廠賑濟支本州義倉穀九百餘石同紳士捐雜糧一千九百餘石

三十五年春夏旱秋積雨五旬蠲免歷年未完錢糧

四十年夏大水蠲免泗州盱眙五河及泗衛糧銀四十六百餘兩并豁除泗州等州縣衛自康熙三十五年起久沉田地二千三百十頃十三畝零豁除銀一萬四千三百四

十八兩有奇米九百石麥一千四百十六石零

見河防志是年泗

州豁除未涸水沉田地一千八百六十

三頃二十九畝零今在冬勘案內結報

雍正十年水豁虹縣降併潼安衛新淤復濟田地四百七

十四頃九十七畝二分隨泗州湖田冬勘結報

泗州冬勘案見前

按虹縣赤山潼城兩里原報新淤復濟地四百七十四頃九十七畝二分係照小畝二百四十弓一畝科差查實豁除銀虹縣額糧弓口每大畝一千二百弓之數

折實實該地九十四頃九十四畝四分四厘

十一年毛城舖決口黃入虹蠲災一二分有差

泗虹積歉之區其人民皆待賑以生仰惟我朝

聖聖相承勤求民瘼撫賑兼施

恩綸疊沛故水旱頻仍而民氣和樂者百四十餘年乃自康熙戊辰迄於雍正乙卯舊州沉沒官吏播遷一切災賑案據

六年四月大雨水洩虹極重災戶撫卹一月稍重又次者
即借予口糧籽種秋賑賑虹復成災六七八九十分撫卹
蠲緩均照定例次年春奉

旨加賑一月時如令白永清奉 督憲那 撫憲張 先後發

銀設粥接濟往來貧人永清復倡捐煮粥三月 乾隆五年
被災五分及六分災次貧不給賑應於來春酌備一月口
糧十分災極貧給賑四個月十分災次貧及九分災極貧
給賑三個月九分災次貧并七八分災極貧給賑兩個月
七八分災次貧并六分災極貧給賑一個月按此例指秋
災而言也夏災不出六月底秋災不出九月底夏災酌量
情形或緩俟收穫秋禾之時確查分別辦理或即借予籽
種日糧秋後免息還倉以示恤恤惟秋災既成必須俟春
歷夏新穀方升其待賑緩急與夏災迥不相侔故應賑四

個月者自十月起賑至來年正月月底止應賑三個月者自
十一月起賑至五月底止應賑兩個月者自十一月起賑
至十二月底止應賑一個月者即於十二

月給賑蓋自乾隆六年後章程畫一矣
七年大水災九十分撫卹兩月 夏災七月 正賑蠲緩等項

如例

欽差大臣大學士陳 直隸總督高 刑部侍郎周 會同

江南督撫臣加意賑卹被災最重之泗虹等州縣於定例
應賑月分外加展三個月其次重者加展兩個月災止六

分次貧不賑者俱賞賑一個月屯衛飢軍貧生兵屬照坐

落州縣一体加展又於乾隆八年正月初二日

散使無存所採
錄止四條焉

雍正十三年九月初三日

皇上登極

恩詔各州縣民欠錢糧在十年以上者二十三日奉

旨雍正十二年以前各州縣錢糧實欠在民者一并寬免

乾隆元年夏大雨水泗州灾民給八九兩月撫卹虹灾重
給六七八等月撫卹外極重者加賑五月次重三月又次

二月銀米兼放貧生同

三年旱泗虹飢民分極次又三等給賑錢糧蠲緩如創極

貧者先撫卹一月正賑後極次二等奉

旨加賑一月是年著憲檄飭案佃為生田畝被災九十分並無
顆粒收割及鰥寡孤獨者為極貧七八分灾田尚

有二三成分成熟并九十分灾田另有別田可收者為次貧
五六分灾田殘冬尚可自給青黃不接之時應需賑濟則
為又次再被災村庄尚有本非佃農因地方灾歉百工皆
廢應一体查緝其目前即難存活者為極貧稍可資生隆
冬難繼者為次貧歲內尚可自給來春需濟者為又次極
貧照例先行撫卹一月仍自十一月初一日為始給賑四
個月次貧則於十二月初一日為始給賑三個月
月又次貧則於正月初一日為始給賑兩個月
四年泗虹水乏食貧民先行撫卹仍分極次又三等照上
年給賑銀米兼放蠲緩等項俱如創正賑後奉

旨概加賑一月

特頒諭旨接續賑卹於四月分再加展一個月

十年水泗災七八九分虹災七八九十分極貧災戶先撫卹一月正賑蠲緩等項如例十一年春奉

旨極貧加賑兩月次貧一月

十一年秋大水泗災八九十分虹七八九分極貧災戶先撫卹一月正賑蠲緩等項如例十二年春奉

旨九十分災極貧加賑三月其次貧并七八分災極貧加賑兩月七八分災次貧加賑一月

十二年秋虹大水災七八分撫賑蠲緩如例

十三年秋泗旱災六七分賑借蠲緩如例

十四年秋泗大水災六七九分撫賑蠲緩等項如例是年虹災五分

十五年秋黃淮泛漲泗災六七八九十分虹災七八九十分極貧災戶先行撫卹正賑蠲緩酌借籽種等項俱如例次年春奉

旨九十分災極貧加賑三月其次貧及七八分災極貧加賑兩

月七八分災次貧加賑一月虹令李兆鑑倡捐鼓粥收養流民自十二月初一日起至次年四月初十日止

十六年秋澧漲虹災五七分實借口糧撫卹蠲緩俱如例
續奉

諭旨極次貧概加賑一月

是年

聖駕南巡

恩霽安省乾隆元年起至十三年積欠丁地等項銀三十萬五
千餘兩

十七年秋四旱災七八分正賑蠲緩如例

十八年黃水漫入泗災八九十分虹災七八九十分撫賑

蠲緩等項俱如創乾隆十九年正月初二日奉

上諭江南淮揚徐海及靈虹睢寧一帶地方上年被災甚重今
年閏月節候較遲該督撫等就各州縣衛災地重輕查明極
次貧戶分別加賑一月兩月一面督率查辦一面奏聞欽此
當經查議

奏明以被災最重之宿州鳳陽臨淮懷遠虹縣靈璧泗州盱
眙五河并長淮鳳陽泗州等十二州縣衛無分極次概行
加賑兩個月被災次重之壽州鳳臺天長賴上霍邱等五
州縣無分極次概行加賑一個月加賑兩月者十分災極

次并九分灾極貧放給一月本色一月折色其餘概放兩月折色加賑一月者概放折色貧生飢軍兵丁多餘家口各隨坐落州縣一体加展統於三月內接賑其撥運江西米石并截漕除放賑外仍留平糶以資民食續奉

恩旨加賑兩月外無分極次於閏四月再加賑一月

二十年秋大水泗虹灾五八九十分撫賑蠲緩口粮等項如例續奉

恩旨極貧加賑三月次貧加賑二月

二十一年秋大雨水虹灾五七八九分撫賑蠲緩酌借口

粮均如例是年泗灾五分

二十二年泗虹沿河窪地灾八九十分撫賑蠲緩等項俱如例奉

旨極貧加賑兩個月次貧加賑一個月

是年

聖駕南巡

恩賜江省乾隆二十一年以前未完丁地錢粮并十年以前漕項等銀米

二十四年秋水泗虹灾五分新舊錢粮停緩借給籽種口

糧如例

二十五年秋水泗灾六七分正賑蠲緩等項如例

二十六年豫省楊橋堤工漫口下注泗灾五七分正賑蠲

緩口糧等項如例

是年豁除泗州極窪水佔田地二百四十頃六十八畝一

分六厘虹縣極窪水佔田地二百三十二頃五分五厘又

次窪減則田地四十六頃十二畝六厘應徵銀米麥石分

奏銷案內造報其二十五年以前舊欠錢糧查明實欠在

民者題豁至此項減豁田地將來即遇水淹不准報灾奉

到部覆存案查此案先奉署經督部堂高憲行

各屬依窪田畝向有永沉一項瀆湖冬勘一項與現辦窪

地毗連須大清立界毋得牽混并飭將來況冬勘二案原

報區畝項畝毋錄送察核時泗州知州王如玖申詳云伏

查卑州於康熙四十年間奉文豁免係一件連旨會

勘等事案內詳報水沉田地一千八百六十三頃二十九

畝九分三厘七毫零後於雍正三年一件川澤效靈等事

案內開出原報水沉田地一千四百八十九頃一十六畝

七分四厘二毫奉文設立潼安衛在於宿邑地方駐札將

田出錢糧附入該衛催納所有卑州原報水沉區畝查案

俱經歸併該衛管理復因旋調旋

聖恩將該衛裁汰其已開復淹田地歸入冬勘案內造報每年

奉文查勘實未開出節經結報在案而潼安衛裁汰之後

並未將虛案移送歷今三十餘年各前任均無此項交代

無憑照案抄送再查水沉冬勘二項田地係在州境影塔

湖陡西湖深河湖安河湖碧山湖淑泊湖天井湖洪澤湖

等處現今仍存水底無從查丈惟逼近湖河田地於永沉

冬勘二項毗連者連即一面查勘確實一面釘椿標記以

清界限毋許於現辦窪地牽混滋弊理合據實詳明當經

藩憲許批永沉冬勘四地該州果無區畝查則每年冬間覓何查勘結報現又如何查其毗連界址釘橋標記殊屬草率風道憲屬批據詳永沉冬勘二項田地係影場湖等處現沉水底沿湖地畝有與毗連者查勘釘橋標記等語自屬有冊可憑何得又稱區畝頃畝無從錄報殊屬含糊再確查詳覆毋違後嚴檄頻催終無來據登覆要之故老傳聞亦堪取証今里民倘有能道順治康熙間事者王牧之言蓋非無稽云

三十年

聖駕南巡

恩縣安省乾隆二十五年以前因災積欠銀糧其二十六七八三年因災未完地丁河驛及二十八年以前因災未完漕項及出借籽種口糧一併邀免

三十一年秋水泗災七九分撫賑蠲緩等項如例奉

旨極貧加賑兩月次貧一月

三十二年水泗災五七分賑借蠲緩如例

三十三年秋旱泗災七九十分正賑蠲緩如例三十四年

春奉

旨十分災極次并九分災極貧加賑兩月九分災次貧加賑一

月

三十六年秋淮漲泗災七八九分撫賑蠲緩等項如例續奉

諭旨八九分災極次貧七分災極貧加賑一個月

三十八年大雨水泗災八九十分虹災七八十分正賑蠲緩等項如例三十九年正月奉

旨八九十分之極次貧并七分災極貧加賑一個月

三十九年秋旱泗災七八九分正賑蠲緩如例續奉

諭旨八九分災極次貧并七分災極貧各加賑一個月

四十年秋旱泗災八九分虹災五八分賑借蠲緩如例續奉

諭旨八九分極貧概加賑一月

四十一年秋泗虹上游水發災七八分撫賑蠲緩等項如例奉

旨加賑一月四十二年平糶並借給籽種口糧

四十三年夏旱秋豫省河口漫水下注災七八九分正賑蠲緩等項如例極重災戶奉

旨加賑一月撥川米萬餘石於四十四年春平糶

四十四年秋淮湖漲災七八分正賑蠲緩等項如例次年

春奉

旨概加賑一月并平糶本州倉穀